



-As zonas verdes do parque rematarán en talude sobre o paseo que será formigonado. As obras contemplan a reparación das pontes de madeira que cruzan o río Miñor na zona.

Unha vez conseguidos os permisos de Augas de Galicia e Patrimonio, operarios do Concello acometen estes días os traballos centrados no desmonte dos muros existentes na zona para rematar en talude ata o paseo, que será formigonado para asegurar a estabilidade do firme e contará cun ancho de tres metros e medio, segundo comunica o Concello de Gondomar.

Segundo explica a administración local, a retirada dos muros permitirá “xerar maior sección fronte ás posibles inundacións ao ampliar a zona onde se acumularía a auga das chuvias”. Do mesmo modo, o paseo contará con zonas de recollida das augas “chegadas dos camiños próximos que serán vertidas ao río directamente, evitando así os desbordes”.

"Este novo paseo dará continuidade á senda fluvial do Miñor e converterá, definitivamente, á zona nun auténtico espazo de recreo para todos os nosos veciños e veciñas", afirma Fernando Guitián, alcalde de Gondomar.

Estes traballos forman parte do chamado “Proxecto de adecuación do paseo ao longo do río

Comezou o desmante de muros, formigonado e ampliación do paseo da Coelleira sobre o río Miñor.

Escrito por Redaccion @valminorinfo
Venres, 20 Decembro 2013 22:52

Miñor no Parque da Coelleira” que está subvencionada nun 80% pola Consellería de Presidencia e Administracións Públicas da Xunta de Galicia e conta cun investimento total de 50.000 euros.

Así mesmo, o Concello adianta que tamén está programada a reparación das pontes da zona nas que se rebaixará a pendente para facilitar o paso dos usuarios; traballos que se suman á poda de árbores e roza que se levou a cabo no río a pasada semana.